


**TRUTH
CENTERED
TRANSFORMATION**

MODULE 2



**UMBUSO WANKHULUNKHULU
UMCONDZISI WEMFUNDZI**

Sifundvo Sesibili (2): Likhasi Lelikhomba

Sisindvo Sembuso

| <i>Sisindvo</i> | <i>Livesi</i> | <i>Emasiko Etfu</i> | <i>Umbuso Wankhulunkhulu</i> |
|---|--|---|-------------------------------|
| Kumele batiphatse njani baholi | Matewu 20:25-28 | <i>Bantfu bakhonta baholi. Baholi balawula bantfu ngalokumele bakwente.</i> | <i>Baholi bakhonta banftu</i> |
| Sitiphatse Njani singemadvodza | baseKholose3:19 1 Peter 3:7 baseFesu5:25, 28, 33 | | |
| Sitiphatse njani sibafati | Genesis 2:18 baseFesu 5:22-24, 33 | | |
| Sibaphatsa njani bantfwana | Tihlabelelo 127:3 baseFesu 6:4 | | |
| Sibaphatsa kanjani bantfu | Matewu 22:36-40 Luka 10:25-37 | | |
| Sitiphatse kanjani titsa | Luka 6:27-31 | | |
| Indlela lesitsatsa ngayo umsebenti | baseKholose 3:22-4:1 Basefesu 6:7-8 | | |
| Indlela lesitsatsa ngayo indalo n | Tihlabelelo 24:1 Genesis 1:28-30 Genesis 2:15 | | |
| Intfo lemcoka kakhulu | Matewu 6:25-34 Matewu 22:36-40 | | |
| Indlela lesitsatsa ngayo sifo nekufa | Johane 11:25-26 Emahebheru 2:14-15 Sambulo 1:17-18 | | |
| Sititsatsa njani timo letilukhuni/kuhlupheka | Luka 6:22-23 2 Basekhorinte 1:8-11 | | |

Sifundvu Sesitsatfu (3): Kucondza Umsebenti Ugekwesibhayibheli

Injongo yaNkhulunkhulu ngatsi kutsi sisebente ngekutimisela

Yini letinye tetizatfu tekusebenta? Fundza lamavesi lalandzelako, naleminyeke imibono lonayo ngalesifundvo.

- 1 baseTheselonika 4:11-12
- 1 Timothewu 5:8
- baseFesu 4:28

Umnaketfu Lawrence

- Kube ukewabonana na Lawrence kuleminyaka lelishumi, ngusiphi secwayiso lengabe umekhamele sona?
- Ucabanga kutsi umsebenti wemnaketfu Lawrence wekusebenta lakuphekwa khona awusiko mcoka yini kunekuthandaza kwebazalwane ngekhatsi esontfweni ?
- Ase ufundze nawa emavesi bese uyacabanga kutsi ahambisana njani nalesimo:
 - 1 baseKhorinte 10:31
 - BaseKholose 3:23

Nkhulunkhulu Uyanaka Kutsi Siwenta Ntani Umsebenti Wetfu

Ase ubuke nankha emavesi. Asifundzisa kutsini lamavesi ngemsebenti? Chaza ngalokufisha ngalo musho.

- 2 Theselonika 3:10-12
- Taga 10:4
- Taga 19:15
- Taga 21:25

Ucabanga kutsi lamavesi asifundzisa kutsi kumele siwente kanjani umsebenti wetfu?

- baseKholose 3:23

Sifundvo Sesine (4): Umbuso Emhlabeli

Fundza Imisebenti 2:42-47 ne Imisebenti 4:32-35.

1. Benta ini labazalwane lapha?
2. Lemisebenti labayenta ngeyamoya noma ngeyenyama?
3. Kwaba nguyiphi imiphumela?
4. Nguyiphi imiphumela lokumele siyibone emimangweni yetfu uma sikhonta njengebazalwane bakucala?

Sifundvo Sesihlano (5): Indzaba yaMake Lee.

Indzaba yekucala (1) – Make. Lee nengadzi yetimbali

Endzaweni yakhe, bekunemndeni lowaweswele unebantfwana lababili . Lendvodza kanye nemkakhe bebangakacashwa bangasebenti. Make. Lee wangena abavakashela Wanaka kutsi bekunesiceshana nje sendzawo lenemhlaba embikwendlu yelikhaya labo. ‘kungaba njani amaningahlanyela timbali?’ abuta. ‘Ningalenta lelikhaya lenu libelihle niphindze futsi nitsengise letinye tetimbali emakethe lesedvute.’

Lomake walelikhaya wavele wenta njalo, wacala wanakekela timbali atsatse letinye abetihlanyele ayotitsengisa emakethe. Wajinge watfola kutsi batsengi bebefuna letinye tinhlobo tetimbali,noko yena indzawo yakhe yayiyincane angakhoni kuhlanyela letinye tinhlobo. Lomake, noko, wacala watsenga timbali kulabanye balimi atsengise kanye naletakhe atfole inzuzo. Ngekutsi indzawo abetsengisela kiyo timbali emakethe yayiyincane, wacabanga , ‘ngingatitsengisa naletinye tintfo !’ bekavuka lokwa ekuseni onkhe emalanga acuphe bananas ne coconuts atsengise emakethe khona lapho abetsengisa khona timbali.

Indzaba yesibili (2) – Make. Lee nabhatata

Lomunye futsi umndeni wawudzinge lusito lwemsebenti kepha wawungati kutsi kumele wenteni , bebeta nelikhono bebangatiphilisa ngalo. Bebasebenta nje kufukuza kwangalelo langa, kepha bebangakhoni kutfola umsebenti locondzile. Make. Lee abebona kutsi lomndeni wawukhutsele futsi wawufisile kusebenta, ngakoke wavakashela lomunye umndeni esonftweni lowawulima bhatata. Wabuta kutsi kepha bhatata wawunayo yini inzuzo , bebakhona yini batsengi kahle , nekutsi yini ledzingekako kucala kulima bhatata.

Ngekubona kutsi kwakungumsebenti lomuhle , wawuchazela lomndeni kutsi Nkhulunkhulu usibitele kutsi sitsandze bomakhelwane betfu siphindze sinakekele labeswele . Wababuta kutsi bebanaso yini sifiso sekufundzisa lomndeni loweswele kutsi babhatata ulinjwa kanjani. Bavuma. Make. Lee wahlanganisa lemindeni lemibili . Lomndeni loweswele wababula kakhulu kutsi bese kukhona labatakwenta , basukuma masinyane baboleka siceshana sendzima nako konkhe lokwakudzingekile kutsi bacale , ekupheleni kwemnyaka baba nesivuno lesihle. Bakhona kubhadala imali yendzima bebayebolekele, imali yenhlangano (emakhasi) baphindze baba nenzuzo lenhle emndenini

Indzaba yesitsatfu (3) – Make. Lee nekubuyisana kwemndeni

Lomndeni wesitsatfu Make. Lee abefise kuwusita wawehlukene nebatali babo . Labatali bebakholwa kutsi indvodzana yabo nemndeni wayo bebangesilutfo futsi kungekho lokuhle bebayoke babe ngiko. Make. Lee wahlangana nalomndeni wetama kubakhulumisa kutsi babuyisane . Make. Lee wetsembisa kutsi utabavakashela njalonzalo abasite kutsi timphilo tabo tibencono uma labatali bavuma kuyemukela indvodzana nemndeni wayo baphindze bamsite kancane. Loko kwenta lomndeni ukhetse kuphindze wetsemba lendvodzana yabo bayeboleka imadlana yekucala libhizinisi lekugcina timoto lesetifile . Sikhuluma nje sewutsenga lokudzala, nalokusebentile tintfo letakhiwe ngensimbi atsengise esitolo lesisedvutane lesitsenga letotintfo. Sewuyakhona kunakekela umndeni wakhe futsi sewutivela ahloniphekile.

Kudzingidza indzaba yaMake. Lee nekuphendvula imibuto

1. Yini Make. Lee lakwentile kumunye nalomunye yalemindeni?
2. Yini umphumela wetaba taMake. Lee?
3. Yini lengabe yentekile kube Make. Lee unikete imali noma kudla kumunye nalomunye walabantfu?
4. Kube Make. Lee ubanike imali ngamunye onkhe emaviki iminyaka lemibili wase uyayekela , ucabanga kutsi timphilo tabo ngabe titfutfuke njengobe kwentekile yini?
5. Yini umehluko emkhatsini wekusita ngemali nalendlela Make. Lee lasite ngayo?
6. Ase ucabange uma sonkhe singacala kwenta fana naMake. Lee—sivakashela imindeni silalele ,sibuke sezame kucondza tingcinamba tabo, bese sezama kufuna tisombululo. Lingaba njani ligalelo emimangweni yetfu?

Umdeni Lonesidzingo

Ase ucabange nje kunelikhaya lelakhe dvutane nasesontfweni lakho, loyo mndeni. Lendvodza kayihlali ekhaya , kepha kanye ngenyanga noma kabili iyabuya emalanganyana nje ishiye imadlana kulomndeni. Lomfati unakekela bantfwana labatfatsu futsi kute namunye kulabantfwana lofundzako. Labantfwana bete neticantfulo bahamba ngetinyawo noma bayaphi abagwabeli , netimphahla labatembatsako tiguze kakhulu. Indlu labalala kuyo seiyahhohloka futsi inetsa kakhulu uma kunemvula. Kulesinye sikhatsi labantfwana bevakala bakhala ngenca yendlala.

- Yini letinye tidzingo lomndeni lonato?
- Nguyiphi indlela yelusito longayenta ngekutsi ube ngu Make. Lee kulo mndeni?

Sifundvo Sesihlanu (5): Ingucuko

Ngemndeli Munye

Lomunye umndeni wemKhrestu Wenta Umehluko

Lena yindzaba yemndeni wemkhrestu lowakha Umbuso waNkhulunkhulu emmangweni lowawute inkholo yebu Khrestu. Lona mmango utfolakala kulenye yetintsaba ngesheya kwetilwandle (Himalayan). Libanga lelindze nje nawusuka kulommango kwakunemasimu elitiya . Lapho ngulapha kwakusebenta khona bantfu labanengi balommango. Kepha ke ,emaholo abephansi kakhulu ngangekutsi labantfu bebadvonsa kalukhuni noma basebenta .

Lommango bewakhiwa yimithi lengalinganiselwa kulengemashumi lamabili nalesihlanu nayo leyayawe, ingakakheki nakahle tindlu takhona , tatakhiwe ngetigodvo neluphahla lwato lufulelwe ngalokungenetisi. Bekute nekuhlanteka kulommango . Ngobe bewakhe etulu entsabeni , bekubandza kakhulu ; noko, bantfwana bebahamba bangakagwabeli lutfo futsi tisu tabo tikhukhumukile .

Tonkhe tindlu betakhiwe endzaweni lencane . Bebaphekela esihhahheni lesime sondvwa lesenganywa yintfutfu nabasapheka phasi emlilweni lovulekile, bebabeka ematje lamatsatfu kusimisa libhodo .Bekukhona tinkhukhu letimbalwa letatehla tenyuka ebaleni lelingcolile .

Sikolo lesidvutane beculibanga kufika kuso .Bekukukhashane kulabantfwana kuhamba onkhe emalanga , ngobe kunemisebenti lokumele bayente nasekhaya . Ngakoke , labanyenti bantfwana bebangayi esikolweni . Bantfu labadzala labanyenti bebangakhoni kufundza nekubhala . Lokoke, kwenta kutsi badlelelwe ngulabo bakuleminye immimango leyayikhona kufundza .

Tingadzi tatibaleka titincane kakhulu ngobe emanti lasedvute bekuyinkhelebha nayo leyayibucalu. Bekumetima kakhulu kusondzeta emanti ekunatsa nekuhlanta timphahla , singabalike kunisela tibhindvo . Kwake kwabakhona liphayiphi lelalisuka lenkhelebheni, kepha lalingasasebenti , nalabantfu azange bente taba tekulilungisa .

Imvula bekuyintfo lelukhuni lingani kuletinye tindzawo ngaphandle kwemvula yentfwasahlobo leyayikhulisa lilayisi labo . Belingekho litfuba noma sikhatsi lesanele kukhulisa tibhidvo tabo. Uma banenhlanhla, bebakhona kuvuna lilayisi lelanelo kubachuba kufike sivuno lesilandzelako.

Labantfu bekungema Hindu, ngakoke bebakhonta bonkhulunkhulwana labanengi. Bangetulu kwesigidzi bonkhulunkhulwana, lama Hindu laphahla kubo abakhonte. Lommango unetithixo letinyenti letincane talabonkhulunkhulwana bema Hindu. sikhatsi sonkhe uma labantfu bendzawo badla, bebatselele incenye yekudla phansi batselele imimoya lendzindzako .

Bekunemcondvo wekwehluleko nekubabete litsemba. Litsemba labo belilinye nje kutsi kumbe emphilweni lelandzelako bebayogucukela emphilweni lencono . Kepha bekuphindze kube nekutsi, uma bangakajabulisi labonkhulunkhulwana babo , emphilweni lelandzelako bangahle bagucuke babe likati nomainja . Bebativela bethiyekile, kungekho kutsi baphuma njani ngalokufanako kute indlela yekutfutukisa timphilo tabo.

Lepcha ngumvangeli lowefike wahlala kulenzawo. Abefundzele tisekelo ngekusita labanye bantfu batfutfuke ngetemphilo wafundzela inyanga yabayinye. Wenela kucendza letifundvo, watsatsa

umndeni wakhe baya kulommango kuze baphile khona basite bomakhelwane babo ngekuhlephula loko bebakufundzile. Libala labo lalihlobe kakhulu futsi banendlu yekuphekela leyayinendzawo yekubasela lephakanyisiwe, loko kwenta kupheka kwaba melula futsi basebentisa tinkhuni letingesiko tinengi . Bebanelihhoka lekugcina tinkhukhu tabo. Balima ingadzi lencane yetibhidvo, kuze bantfwana babo badle kudla lokunemaseko lamatsatfu. Bagubha umgodzi yekulahla tibi ngephandle, bantfwana babo bebete tilo etiswini futsi bangaphatfwa ngumsheko fana nebantfwana bakulommango.

Lepcha wafaka eluphahleni lwendlu yakhe kwekuvuna emanti uma kunemvula . Labanye bawutsandza lombono benta lokufanako, tatsi naticala timvula, bonkhe baba nemanti lamanyenti.

Lepcha wahlanganisa labantfu bemmango babambisana kufaka liphayiphi lelisuka enkhelembeni lileletse emanti emmangweni, nyalo lommango sewunemanti lamanyenti, emanti lenele ngisho kunisela tibhidvo etingadzeni tabo letinsha . Labanyenti bakha indlu yetinkhukhu lefana neya Lepcha bagubha nemigodzi yekulahla kungcola lengenalo liphunga netimphungane.

Uma umndeni waLepcha ufika, bafundzisa bantfu labadzala labanesifiso sekufundza neku bhala . Bacala ngekufundzisa bantfwana kanye nalabasha kufundza. Lamuhla, lommango unesikolo sawo lesifika ebangeni lesine.

Sebanesakhiwo lesincane sekukhontela ngobe imindeni lengemashumi lamabili nalemitsatfu kule ngemashubi lamabili nesihlanu leyakha lommango sebanebudlelwane na Khrestu. Konkhe loku kungesizatfu sekutsi umndeni munye wabakhulumisa ngaKhrestu nemisebenti lemihle .

Labantfu sebanemcondvo wekutfutfuka, futsi sebayabona kutsi bangaphila imphilo lekahle fana nebantfu bonkhe ngobe umndeni munye weta waphila kunye nabo bafundza imphilo.

Lendzaba lena ihlala njalo njalo itekwa emimmangweni lesenshona langa nelive leNdiya nemphumalanga yeNepali. Kungulamuhla loko kwenteka emimmangweni lelikhulu nemashumi lamabili. Timphilo tebantfu tiguculiwe ngekwenyama. Nalemimmango nayo seyigucukile kamoya ngobe tigungu tekukhontela letilikhulu nesikhombisa ticaliwe, tigungu letilishumi nakubili tinemalunga lefikako emakhulwini lamabili sisinye.

- Ngutiphi letinyetingucuko Lepcha latiletsa emmangweni? Phindze ubuke lendzaba bese wakha luhla ngaphansi kwesihloko lesitsi, Kamoya, Engcondvweni kanye nase Enyameni.
- Watiletsa njani letingucuko? Wacala ngabani?
- lommango sewunaluphi lushintjo ngekufika kwa Lepcha?
- Ungenta ini kuze ufane na Lepcha emmangweni wakini?

Sifundvo Sesitfupha (6): Inhlakanipho yaNkhulunkhulu

Fundza 1 Emakhosi 3:7-14.

- Wacela ini Solomoni?
- Wentanjani Nkhulunkhulu?

Fundza Jakobe 1:5.

- Jakobe usitjela kutsi asicele ini?
- Nkhulunkhulu uphendvula njani ngekusho kwa Jakobe?

Fundza Tihlabelelo 81:11-16.

- Yini labehluleka kukwenta bantfu baka Israyeli?
- Yini lengabe wayenta Nkhulunkhulu kube balalela

Fundza Isaya 55:8-9.

- Utichaza njani Nkhulunkhulu tindlela takhe kanye nemicabango yakhe?

Sifundza ini kuwo onkhe lamavesi?

Sifundvo Sesikhombisa (6): Tindzaba Elibhayibheli TaNkhulunkhulu Tekwandzisa

Davide na Goliyadi

EmaFilisti nemalIsrayeli babasemphini, EmaFilisti atfumela emphini sicwaga libito laso kungu Goliyadi, abememete atsi ema Israyeli akakhiphe umuntfu ete kutokulwa naye. Uma lowo muntfu ancoba, emaFilisti atawube seka ncotjiwe emphini ashiye Israyeli. uGoliyadi ancoba, Israyeli uyobe sekancotjiwe, ngako ema Israyeli ayobese aba tigcila tema Filisti. Davide abesemncane kutsi angaya emphini kepha wenela kuva Goliyadi aphukuta Nkhulunkhulu watincumela kulwa.

Fundza 1 Samuweli 17:32 -49.

- Wentani Davide?
- Wakwentelani loko Davide?
- Kwaba yini umphumela?
- Ucabanga kutsi ngabe kwenteka yini kube Davide akayanga kuyokelwa?

Elisha NEmfelokati

Fundza 2 emaKhosi 4:1-7.

- Bekuyini simo salomfelokati?
- Wentanjani?
- Wentani Nkhulunkhulu?
- Kwaba yini umphumela?

Jerikho

Fundza Joshuwa 6:1-5, 12-14, 15-17, 20.

- Wabakhomba kutsi benteni Nkhulunkhulu?
- Benta ini?
- Kwaba yini umphumela?

Namani

Nayi indzaba ya Namani. Abengumkhuteli wemphi yelibutfu laseSiriya — indvodza leyayinemandla kakhulu. Kephake, abenebulephelu kepha bekevile kutsi ka Israyeli kwakunempofethi lobekangamphilisa. Ngakoke wahamba wayobonana na Elisha umprofethi.

Fundza 2 emaKhosi 5:9-14.

- Wamtjela kutsi enteni Elisha?
- Wakutsatsa njani Namani loko?
- Kwentekani uma Namani alalela enta layalwe ngako?

Sifundvo Sesiphohlongo (8): Kuhlela Tinyatselo Temisebenti yelutsandvo

Sinyatselo sekucala (1): Thandaza

Intfo yekacala kuthandaza. tinikete sikhatsi ucale uthandaze. Cela kutsi Nkhulunkhulu akukhombe lokumele ukwente ngemisebenti yakho yelutsandvo . Yenta siciniseko kutsi utiniketa sikhatsi lesingaba yimizuzu nje ubindzile ulalele Nkhulunkhulu.

Sinyatselo sesibili (2): khetsa umsebenti

Nisigungu, Tincumeleni kutsi kungaba yini leningakwenta lokungumsebenti welutsandvo. Ngabe Nkhulunkhulu unikhanyisele yini? umangabe kukhona lonemcondvo wekutsi ngungaba ngumuphi umsebenti welutsandvo lomuhle , bacele bawetfule lowo mcondvo . Phindzi nibukete leminyeyalemicondvo leballiwe esifundvweni sesihlanu (5): Nkhulunkhulu ufuna libandla lisite: Ngutiphi letinye tidzingo lesingasita ngato. Kanyekanye, vumelanani ngaloko leniva kutsi Nkhulunkhulu uniholela kutsi nikwente.

Naze nakhetsa sihloko, cinisekani kutsi yini leningayenta ngelilanga linye. Tigungu letinye tiyetikhetse into lenkhulu kakhulu. Hlalani njalo nicabanga nize nibe nentfo leningayenta ngelilanga linye, nisebentise tinsita leninato/ noma loko leninako, kusitakale bantfu labanyenti uma kwenteka.

- Kuyalukhomba yini lutsandvo?
- Ngabe kuncane futsi kumelula yini?
- Kungentiwa kusentjentiswa tinsita lesinato?
- Kuyabafaka yini bantfu labanyenti kutsi bafake sandla?

Sinyatselo sesitsatfu (3): lungisa Luhlelo

Bonisanani nayi imibuto lelandzelako. Uma kwenteka, akube khona lobhala phansi timphendvulo kuze ningakhohlwa.

- Nitakwenta ini?
- Ngutiphi tinsita letidzingekekako? Nitatitfoli kuphi leto tintfo? Ngubani lotatitfoli?
- Ngunani lenitamusita?
- Ngubani lotawufaka sandla ekusiteni? Ngubani lotomema bonkhe bantfu?
- Ngumaphi emalanga lenitakwenta ngawo lomsebenti?

Sinyatselo sesine (4): Thandaza

Uma senicedzile kubhala loluhlelo, phindze utinike sikhatsi uthandaze. Cela Nkhulunkhulu kutsi anisite nicedze lomsebenti aphindze andzise umphumela. Thandaza kutsi libito lakhe likhazimuliswe. Evikini linye noma lamabili noma, nisalungiselela lomsebenti , thandazelani kutsi Nkhulunkhulu anisite ngalomsebenti .

Sinyatselo sesihlanu (5): Yenta lomsebenti

Sinyatselo lesilandzelako kutsi kwentiwe lomsebenti besolo uhlelwa. Cala lonkhe lilanga ngemthandazo unikele kusebenta kwakho kuNkhulunkhulu . Khumbula kutsi nenta lomsebenti kukhombisa lutsandvo lwa Nkhulunkhulu emmangweni. Yetamani kutiphatsa nekwenta kwenu kuhambisane nalenjongo lenifise yenteke.

Sinyatselo (6): Hlatiyani umsebenti bese nibhala umbiko

Sinyatselo sekugcina kubhala umbiko nekuhlatiya lomsebenti. Kungani kufanele sihlaliye? Loku kusiya kutsi sifundze. Sicabange ngaloko lesingakakwenti kahle naloko lokudzingeka sikwente kancono ngemuso . Akudzingeki kutsi kube sikhatsi lesidze; nidzinga nje imizuzu lembalwa nibonisane ngalemibuto:

- Yini lokuhambe kahle?
- Yini lokungakahambi kahle?
- Ngutiphi tingucuko lokudzingeka sitihlele?
- Ngabe lomphumela unjengobe besibhekile yini? Uma kungenjalo, leni kungenjalo?
- Ngabe Nkhulunkhulu ukhatimulisiwe ngalomsebenti yini?